



*Rabu, 05 Mei 2021*

**Ogen: Efesus 6:9**



*"Ula Pesega-Sega"*



**M**elala jelma ibas zaman gundari enda, merasa ingin dihargai, dihormati ras merasa *sok jago*. Ibas zaman sibagenda rupana, enda pe ialami perpulungen Efesus. Paksa sie, perpulungen Efesus ipersingeti Paulus gelah perpulungen e banci "*mengontrol diri*" sebab melala kel perpulugen Efesus erdahin sebage budak man tuan si jadi atasenna erdahin. Emaka ibas erbage situasi sialami perpulungen Efesus selaku ia mpuna "*budak*" enda, nggo erate-ate nandangi budak. Enda erpalasken kerna kegeluhen i Efesus melala si lenga ngergakan Dibata tapi ngergakan kerna Dewi artemis si jadi sembahen anak kuta i Efesus.

Ibas la ngergaken Dibata, emaka budak-budak pe lanai iergakenna selaku tinepa Dibata. Rasul Paulus ibas penjara nari, meg i kerna berita enda, sierbanca ibanna me surat man Perpulungen Efesus segelah kerina si lit budakna lanai mpesega-sega budakna. Kekelengen si rehna arah Dibata nari mereken nggeluh bagi singena ate Dibata. Emaka ise si nggeluh ngerembakken dirina man Dibata tentu ikelengina me kalak sideban. Perban kalak si nggit mpesega-sega kalak segat kel ate Dibata. Kita nggeluh pasti perlu kel kalak sideban nampati kita. Bas penampatna e, siergaken ia amin gia ia budakta, sierdahin kita, sebab adi keleng ateta saph-saph manusia e berarti kita nggo nggeluh ersada ras Kristus.

Bahan renungenta wari enda, ngajari kita engkelengi kalak sideban. Bagi nina bahan ogenta sendah, sebab Tuanta sada i surga. Adi sipesega-sega kalak, berarti sipesega-sega Tuhanta. Adi nggeluh nggo nandai Dibata, lanai lit dalanta membeda-bedaken kalak sideban sebab kita radu ras tinepa Dibata. Erlajarlaha ngkelengi kalak, erlajarlaha ngergaken kalak, gelah kitape ikelengi ras iergaken. *Ula Pesega-sega* kalak, ula erban nembah kalak, sebab sada paksa siperluken ia. Ngasup nge kam nggeluh sisada? Banci nge kam ndahiken dahinndu sisada? Ula pernah sia-siaken penampat kalak man banta, baik kitik nta mbelin penampatna e tapi justru mabai keuntungan man banta.

